

勵耘書屋叢刻

勵耘書屋叢刻

倉庫官

按此類應在陰陽官類後原闕今補

雜職依前改第品級遷升例

流官內選用者任廻理流官月日

元擬雜職人員任廻雜職遷升

平准行用庫官任廻減一資歷

鹽場司令丞管勾任廻減一資

通州等倉官升一等減一資

通州七倉 李二寺直沽二倉 河西務七倉

京畿等十五倉升一等

豐潤等三倉減一資

各衙門選用人員任廻本衙門所轄敘用

匠官院長至從五品止於匠官遷升

管辦錢穀官諸雜職人員例至元二十一年九月定

一辦課分爲三等

上等充提領 中等充務使 下等充都監

一辦課官升轉一周歲爲滿

都監三界升務使 務使三界升提領

提領三界升受省劄錢穀官又歷三界於從九錢

穀官內任用

諸雜職人員比附院務官一體升遷

鹽鐵副管勾 相副裝查批引等官

諸衙門倉庫鹽教等監支納大使

資品錢穀人員例

五千定之上提領正七大使正八副使正九

二千定之上提領從七大使從八副使從九

一千定之上提領正八大使正九省劄副使

五百定之上提領從八大使從九部劄副使

一百定之上係中等錢穀官設提領大使副使

五十定之上設大使副使

五十定之下設都監

倉官窠闕

監納正七

大使從七

副使正八

京倉一十七處

千斯 相因 豐潤 通濟 廣貯 永平 永濟

惟億 盈衍 豐實 太積 廣衍 既盈 既積

順濟 万斯南 万斯北

都倉一十七處

有年 樂歲 富有 廣儲 足食 大盈 盈止

及秭 充溢 崇墉 廼積 永備南 永備北 廣盈南

廣益北 李寺 直沽

倉官前後升等例

至元二十六年十一月呈准升一等通理月日

至元二十九年五月呈准在都通州河西務直沽李二寺等倉應得資品上升一等如本倉別無侵欺短少再升一等歷過倉官月日例不准算

元貞二年六月十一日呈准周歲為滿內通州河西務李二寺直沽倉升一等除授任回減一資在都并城外倉五萬石之上升一等除授一萬石之上任回減一資

大德二年三月令史揭禧承奉省判本部所呈擬到京畿都漕運司申各倉官依例交界于后

二月一日立界交代倉一十一處

既盈 相因 惟億 豐潤 永平 通濟

廣貯 豐實 既積 万斯南 万斯北

七月一日立界交代六處

永濟 千斯 盈衍 大積 廣衍 順濟

倉官升轉減資元貞二年六月十一日中書省來呈奉省劄

判御史臺呈各處倉官人等有收糧多者四十餘萬少者不過二萬例升二等看詳收糧多者倘有照略不及失陷短少利害非輕任滿別無侵欺理宜升用其餘收糧數少倉官一例升等中間優苦不倫本部斟酌各處優劣擬到升加等第緣係爲例之事恐擬未當具呈照詳都省議得今後倉官有缺於到選相應職官於諸衙門有出身令譯史通事知印宣使奏差兩考之上人內選用依驗難易收糧多少任回應去地方遷敘依上施行

通州河西務李二寺直沽等倉於應得資品上升一等任
回交割別無短少減一資通理

通州七倉

足食 有年 及秭 富有 盈止 樂歲

廣儲 李寺 直沽

在城并城外倉分

收糧五萬石之上倉官於應得資品上升一等任滿
交割別無短少依例遷敘通理

永平 既積 廣衍 惟億 順濟 永濟

既盈 盈衍 豐實 万斯南 万斯北

收糧一萬石之上倉官止依應得品級除受任滿交
交割別無短少減一資通理

豐潤 大積 通濟 千斯 廣貯 相因

廣濟

平准行用庫窠闕

從七品

腹裡大都在城計六處

順承 文明 光熙 和義 建德 崇仁

外任計一十三處

上都路 遼陽路 大寧路 大同路 太原路

平陽路 保定路 真定路 大名路 東平路

濟南路 益都路 長蘆

江南四十六處

揚州 淮安 廬州 真州 泰州 杭州 嘉興

湖州 常州 平江 鎮江 紹興 慶元 台州

溫州 處州 衢州 婺州 建康 寧國 太平

龍興 江州 吉安 贛州 撫州 臨江 袁州

瑞州 潭州 江陵 武昌 福州 廣州 惠州

潮州 靜江 雷州 重慶 安西 成都 寧夏

甘州 英德 饒州 泉州

行用庫窠闕

從八品

腹裡四十二處 副使受部劄

懷孟 順德 廣平 彰德 河間 般陽 衛輝

濟寧 南陽 襄陽 河南府 平灤 隆興 宣德府

河中府 歸德 萊州 鄧州 曹州 恩州 泰安州

濟州 棣州 冀州 陵州 沂州 許州 汝寧州

陝州 汾州 單州 奉天 豐州 懿州 夏津縣

鄆城縣 潞州 解州路村 濮州 南昌 河西務 鄆州

江南三十六處 副使受行省劄付

揚州 杭州北關門 建德 信州 廣德 徽州

高郵 松潘 鈐州 南康 建昌 南豐 南安

安慶 池州 興國 安豐 常德 辰州 沅州

蘄州 澧州 峽州 岳州 寶慶 郴州 泉州

道州 桂陽 武岡 衡州 永州 沔陽 安陸

荊門 茶陵

陝西一十二處

延安 鳳翔 興元 鞏昌 平涼 秦州 潼川

慶元 夔路 順慶 嘉定 敘州

鈔庫官陞等例

至元二十六年十一月呈准選充鈔庫應得資品升一等

通理月日

至元三十一年正月二十二日呈准鈔庫官若流官內選

充者任回減一資歷雜職人員止理本等月日

在都平准行用庫以一周歲爲滿
諸路平准行用庫以二周歲爲滿

平准庫官資品至元二十四年尚書省欽奉詔書節該造至元寶鈔頒行天下中統寶鈔通行如故欽此奏准立平准行用庫倒換金銀昏鈔及奏如今外路裏入來的金銀有麼道說有那金銀根底交來呵太府監裏不納萬億庫裏另放着交那金銀裏開平准庫呵怎生奏呵那般者麼道聖旨了也欽此又奏在先行來的舊倉赤內不曾做賊說說的根底則依舊就便交行又管錢物底好人內委付呵怎生奏呵那般者麼道聖旨了也欽此先將緊關去處合用至元鈔本交付已差平准行用庫官及另差官一同管押前去從本省斟酌所轄路分緊慢分俵立庫倒換外所據平准行用庫合關金銀官本不見本省即无見在并至

元鈔本除前項已發外亦不續合關撥數目爲此今差同知劉承直馳驛前去合行移咨依上照勘本省見在金銀所轄路分合俵官本及所用至元鈔本除已發外斟酌續合關撥數目擬定差能幹官員將引庫子馳驛賣咨星夜前來大都關撥外據庫官除都省已差外其餘去處從本省於見任并得替无粘帶過犯職官遴選相應提領大使即令開庫勾當開具脚色保結咨來給降勅牒施行

一都省擬注平准行用庫并行用庫官提領作從七大使作從八選相應人員從優銓注應得八品之人擬充提領九品擬充大使如元係民官任回亦照見定資品於民官內任用

平准行用庫設

提領一員從七品

大使一員從八品

副使一員

從本路官司於有抵業不作過犯上戶內選充

行用庫設

大使一員從八品

副使二員

一員有省選差受行省劄付一員本路官司於有抵業不作過犯相應人內選充

選差倉庫人員

至元三十一年御史臺咨奉中書省劄付准

江西行省咨該先為各處官司差稅戶充倉庫官攢典庫子人等放富差貧本省與行臺監察等一同完議得南方稅家子孫相承率皆不曉事務唯以酒色是娛家事一委幹人歸附之後捉充倉庫官並不諳練錢穀又不通曉書算失陷官錢追陪之後破家蕩產虧官損民深為未便如蒙照依本省移准中書省咨文事理今後各路倉庫官大使副使擬於見役府州司縣吏典史內驗物力高者指名點取如有不敷本省立格差取倉官已後告閒司吏典史

內有物力之家仰一體選差似革官吏貪饕之弊亦絕百姓破家之患今將吏部議擬到倉庫官出身定例開坐前去請定奪回示除已依准江西行省所擬另行外仰行移合屬嚴加體察施行

一本省於至元二十九年二月十六日議擬到廣濟庫提領大使副使并各路倉庫大使副使及平准行用庫副各各出身定例開坐移咨去後於至元二十九年閏六月初六日回准中書省咨該送吏部逐一議擬到下項事理

本省廣濟庫

提領大使各一員於本省到選人員選取慎行止不作過犯有抵業人員另行移咨都省

前件照得本庫行使從九品印信提領大使宜從本省

選差相應

副使二員各路揔管府請俸司吏內驗物力高者選取
驗實歷請俸月日十个月之上三十个月之下充庫
副一界月日別无侵借粘帶充吏目四十个月之上
六十个月之下充庫副一界滿日充都目七十个月
之上九十个月之下充庫副一界滿於各路提控案
牘或巡檢內任用似爲相應

前件照得循行例腹裏各路揔管府司吏年及四十五
以上請俸六十个月方許保申擬吏目兩考轉都目
一考升提控案牘兩考與正九品如請俸及九十月
擬吏目減一考升轉又行省所轄各路提控案牘三
考與正九品巡檢九十月與從九品今本省既於各
路揔管府請俸司吏內選取廣濟副使及係出給錢

穀之職以此參詳如司吏請俸二十个月之上及一
考者選充一界滿日别无粘帶年四十五以上與吏
目年未及者於務使內任用如四十个月之上六十
个月之下選充者一界滿日年四十五以上與都目
年未及者院務提領內任用七十个月之上至九十
个月選充者一界滿日年五十之上與提控案牘四
十五之下於巡檢內任用相應

攢典庫子於州縣請俸司吏內驗物力高者指名勾充
滿日別無侵借粘帶於院務都監大使或揔管府司
吏縣典史內定奪相應

前件照得呈准萬億庫司庫如曾受宣慰司揔管府轉
運司等衙門付身院務相副等官一周歲於院務提
領內任用一週歲於務使內用州司吏充司庫勾當